

陵川縣新志

第十本

藝文四

祥異

叢譚

李養榮

陞州人萬歷三十八年任

李雋

開喜人

武翔龍

文水人

趙登庸

雲南人嗣後缺

國朝復設訓導衛準荆

歲貢太谷人

王躬白

歲貢聞喜人

張其蘊

歲貢河津人順治十八年任

侯嗣淑

歲貢解州人康熙十三年任

連城璧

歲貢榆社人康熙二十二年任

毛居元

歲貢樂平人康熙二十九年任

王肇豐

歲貢絳州人康熙三十五年任

孔毓銓

歲貢翼城人康熙三十七年任

弋熏

安邑人康熙三十九年任有傳

王五事

歲貢廣靈人康熙四十五年任

李承恩

歲貢太原人康熙五十年任有傳

張倬

歲貢臨汾人康熙五十年任

有傳

陵川縣志卷二十四

藝文四

詩

五言古

魏

苦寒行

武帝

北上太行山艱哉何崔巍羊腸阪詰屈車輪爲之摧
樹木何蕭瑟北風聲正悲熊羆對我蹲虎豹夾路啼
谿谷少人民雪落何霏霏延頸長歎息遠行多所懷

陵川縣志

卷十四

藝文四

一

我心何拂鬱思欲一東歸水深橋梁絕中道正徘徊
迷惑失故路薄暮無宿棲行行日已遠人馬同時饑
擔囊行取薪斧冰持作糜悲彼東山詩悠悠使我哀

唐

太行苦熱行

劉長卿

迢迢太行路自古稱險惡千騎儼欲前羣峰望如削
火雲從中起仰視飛鳥落汗馬臥高原危旌倚長薄
清風何不至赤日方煎爍石露山木焦鱗窮水泉涸
九重今肝食萬里傳川畧諸將候軒車元凶愁鼎鑊

何勞短兵接自有長纒通越事豈難渡瀘功未博
朝辭羊腸阪夕望貝邱郭漳水斜遶營常山遙入幕
永懷姑蘇下囚寄連安作白雲和難成滄波意空託
陳琳書記好王粲從軍樂早晚歸漢庭隨公上麟閣
七月一日曉入太行山

李

賀

隴西人

一夕遶山秋香露溼蒙葦新橋依雲阪候蟲新露撲
洛陽今已遠越袞誰為熟石氣何凄凄老叟如短鋌
初入太行路

白居易

太原人

陵川縣志

卷廿八

藝文四

二

馬蹄凍且滑羊腸不可上若比世路難猶自平於掌
金

拳秀峰

秦

畧

邑人

平滑石之俗其俗資磨礪磊醜石之秀其秀在醜中
正如古丈夫貌寢氣質雄又如聖人心孔竅虛明通
大都一拳許含蓄華與嵩大巧本若拙足見造化功
好處三更多摹寫不易工君其善調護抵擊防兒童

元

去三汭見太行

那

經

邑人

二年大河開胸次洶餘浪身與天根滄泐瀦隨下上
靈槎沓虛舟顛倒泥底樣恍疑渾沌初溟滓天水象
揚鞭得西歸瞪目爲一放舉首見太行逸翠蜚萬丈
爽朗肝膽張豁達噐宇曠真宰聳竒骨頓覺天地壯
茲山自佳色何乃氣凋喪吾家在椒嶢老霧橫莽蒼
松楸日樵採山靈亦淒愴何時鶴髮翁攜我踏壘嶂
雖無錦繡裹粗著文彩狀山河表裏全自古夏霸王
於今何索然死石徒映向在人不在山先民語無妄
行行重行行落日兩相忘

陵川縣志

卷廿八

藝文四

三

悲從弟仲德

邢經

銀沙滿玉河界天清露零孤心正耿耿秋夜何冥冥
念我當屯凶不如初無同乃同不周折遠向東南傾
獠毒方弄兵好會其能成蕭蕭變齒髮冉冉頽年齡
潮生夜江高簷間動松聲心魄忽蕩搖攬衣步中庭
幽蹤獨往來慘淡關山情未信天爲人更著影問形
我本不欺人萬折氣益盈

晉民誦山行

彭而述

山民余如鼠伏處各土穴相傳爲世守卽此是家業

黃鬚急朝殮帶泥煮山蔬殘軀結百鴉蒼顏逼古鏡
疑是煤鑄成乃有氣些些裏樹三五株春深無曲蘖
老鶴巢其上蓬蓬壓將折石田無款段尺寸入冊籍
昨年欠官錢又到寒食節懼見城中人疑是僱租客

明

太行歌

祝允明 長洲人

上客坐高堂聽僕歌太行六歲從先公騎馬出晉陽
遙循厚土足忽上天中央但聞風雷聲不見日月光
狐兔繞馬蹄虎豹嗥樹旁衡路數十州四面殊封疆
童心多驚慄壯氣已飛揚自來江南即佳麗稱吾鄉
遊哉雄豪觀寤寐不可忘人生非太行耳目空茫茫

陵川縣志

卷廿八

藝文四

四

上太行

王心一 吳縣人

驅車上太行山頭無奇石透迤有千盤石磴轉偏側
譬如摩空鳥漸與青雲迫俯見蒼崖間春花間紅白
山家愛尺土縱橫界如畫上有千年碑孔父開韞跡
摩訶落日遲返景射石壁祇慮射虎驕辭鞍投荒驛

國朝

郝伯常先生祠堂詩

周勤詒 杭州人

在昔宋元時天下苦戰鬪中原半淪棄民各散鳥獸
撲臂戕父册時詢代宋之計於先儒趙復復口宋誰
吾父母之國安得引他人伐父册

復問黔首公獨矢撲誠不避欲拯拯為言宋無罪奚
心逞暴寇毅然任國使往解民顛覆億萬生靈生何
暇顧身後其如誤國奸十六載羈候隱志不得伸痛
若負疾疾歸來望太行詩曰氣昏瞽可憐揀花堂天
半滴殘雷愴悅鬱不蘇那更榮文繡身亡道弗異作
史正陳壽尚冀延宗胙帝蜀存漢舊庸庸樂宋亡謂
公惜未觀公心如天仁誰與發局敏徒令向火人出
陵川縣志

卷廿八

藝文四

五

語顛公脰偶然鴈足書初不計病詬荒草落鴈池說
破牛馬走載拜視公像有淚泣晴晝

東潌亭

嚴炳元歸安人

邑踞太行巔四面岡巒峙山高水易窮誰料翻患水
東河勢最窳衆壑皆趨此每逢驟雨來淙淙出闌市
郭外分兩渠匯于菊巘趾菊巘隘渠流流益疾如矢
噴薄撼潛蛟奔騰吼狂兇豈乏堤堰功搏沙曷足恃
畚鍤累前人少興旋廢弛偶一裂民田礪礪成瀆汜
吾公濟時才愛民若赤子冠蓋課耒桑陟彼河之浹

曾見潰沸形引爲長吏恥思出經遠謀徬徨勞相視
溯游得土坡驅石鏈其址埋脚既堅牢茲亭遂經始
重甍壓怒濤孤標俯清泚左右水盤迴歸然水中注
東滌滌迺紆傾瀉無餘滓自是絕汗萊農業安耘耔
頻年報有秋豐登億及秭亭非快雄觀卓哉結可底
暑考應獨優遷期在彈指鯨擊莫能迴餘波潤千里

王清湖明府新修講學堂成集諸生探韻得上

字

汪履基 全椒人

束髮事詩書澄懷抱微尚晦明歷冬春南北苦延訪

陵川縣志

卷廿八

藝文四

六

學成喟知希策馬時惆悵秋風吹我襟中原偶騁望

峩峩太行山厥爲河之障關中凝秀色及茲始一放

萬古青濛濛陵川踞其上都人實斐然撫躬愧哲匠

聯轡辱同契

謂清湖

謬謂余直諒大小從我遊逼迫

不能讓學舍恥湫隘朝夕自緝搆鳩工六閱月居室

頗爽闊時維冬之孟萬卉俱凋喪感此年運速母爲

惜少壯黽勉祛畏蕙討論析幽壑途迥莫懼遙義愜

何嫌剝漸達鴻可儀蟠泥龍可亢譬彼築夏屋丈尺

憑度量又如涉大川安能免風浪聚散靡常期經會

自嘉熙忝君一日長守道言非誑他日重經過相與
證所向

陵川荆莊靜先生

石鵝翁

湘潭人

丹川七才子先生乃翹楚高才卓爾雄早年馳藝圃
蔡州已淪亡不肯事蒙古避跡空山中浮雲視簪組
嵩嶺空蕨薇荒墳已宿莽何處薦蘋蘩落日空延佇
登鳳山望西溪紆道靈泉慨然成咏

王篤祐

邑令

夙興駕城西清光散林旭百步得鳳山危崗互聳轟
陵川縣志

卷廿八

藝文四

七

透迤下絕澗濃春聚迴谷側過桃李篔再聆松栢謾
空堂生虛濤古寺繞喬木坐久雲影閒森陰布巖麓
窈窕度層巒靈泉漸洄渙澄泓出乳竇鑑髮若可掬
盈科濟地行俯仰恣遐矚夕陽下遠山鳴禽媚幽獨
言尋歸路深却忘羣嶺復

講學堂成集諸子探韻得更字

王篤祐

邑令

至教本無言羣分各有性譬彼勤百工居肆業能敬
濟濟陵川材彪華重輝映東幣延經師形端獲表正
造館隣囂塵契龜爲變更蒸彼秀士謀僉言互心証

鳩工庀棟梁緝直木斯應先之以土圭即之以階礎
垂帶歷中堂美哉輪奐盛藻續集廊廡穰題敞晶瑩
八月築堵成覆簣無中竟維冠及成童切磋能希聖
竹梧羅前庭芝蘭榮後徑挾策奉邊豆鶴鳴遠聰聽
於此樂鼓鐘兼可習絃誦曩哲景遐矚後賢緬芳鏡
勗我俊髦人學道惟安定

七里磧

程德炯 邑令

東山朝出雲散作西山影兩山研然開磧路曲而迥
七十二折間折折煙雲冥雲迷半山腰足壓後人頂
陵川縣志

卷廿八

藝文四

八

側步路若迴俯視人如蟻三里復七里窮幽風日冷
既登天宇曠覽盡中州景廻視黃圍山插天一峰整
所喜俗醇良耕鑿安萬井

八里棧

程德炯 邑令

蒼莽太行脊凌競無平面就中覓尤奇懸崖露一線
石立或如笏石仆或如甍紆迴千仞高州翠空中變
遍仄復紆迴覘亦眼花炫王公用設險古無鐵衣踐
聖世棄關繻游目看芳甸地瘠民力本茅簷歷歷
見對景怡吾神久與清暉戀

過臺北村樂其水木清佳人民淳古有終焉之

志得詩四首

張又華 高平人

雲木散清暉山水饒奇趣夢思輞川莊偶於此中遇
蔀屋數十家歷落沿溪聚人有太古風俗無輕囂務
老幼事田作勤劬無朝暮名利不復聞耕鑿聊自娛
一犁春雨足四野百穀布

溪頭田父迎細草軟可坐雖云昧平生幽興不相左
沙鳥林間鳴隱隱如歡和傾茲山村釀共話兒女課
鷄犬靜不喧桑麻漸已大平疇新麥翻綠浪風輕播
陵川縣志

卷廿八

藝文四

九

夜燈明衾榻薇蕨供盤餐愧我迷世塵良會真偶然
寂坐賞清景纖月升林端落落莫山中人分茲一宵歡
夜語深不倦前簷風露寒
日曙雲村白晨鴉噪高柳農人辭我起驅牛前溪口
靜對仙臺山秀削一峰陡買田定幾時薄游住難从
去去尋歸途隔烟屢回首

留別李天龍李鳳舉房興公三社友

蔡之鈺 邑人

春風柳眼青世人眼獨冷勞勞征途間日暮傷流景

逢君一熱腸風雨多咽哽鄉書八月斷天泉十日丞
佳句滿奚囊片言發深省長提真陡峭歸思如牽荇
自昔君子交頓令裘馬省詩盟千里外努力共相憬
過王蘆洲與福寺書舍

楊灝邑人

一寺千松裏寺路窄復曲扶筇陟遙嶺始得曠遠矚
煙銷衆壑深風磬隨空綠忽聞讀書聲隱隱隔林木
披雲覓匡廬石床對修竹一卷維摩偈幾間謝公屋
幽人古情性精舍絕塵俗雲吐石心空泉鳴山意足
向夕澄清陰松色淨如沐何當同素心共掃白雲宿

陵川縣志

卷廿八 藝文四

十

鳳山卽景

楊灝

飄零復磊落孤雲何所宜去去鳳山下容與良在茲
烟銷一徑綠水流山之陂側見山杏花背巖兩三枝
惟攜一壺酒獨遊亭午時清風松下來穆如澹無爲

七言古

宋

行縣詩

提刑黃庶

河東人物氣勁豪澤州學者如牛毛大家子弟弄文
墨其次亦復踴弓刀去年較射九百人五十八人同

賜袍今年兩科取進士落鈞連引十三鰲邇來習俗益趨善家家門戶爭相高驅兒市上買書讀寧使田間禾不媻我因行縣飽聞見訪問終日忘勤勞太平父老知此否語汝聖世今難遭欲令王民盡知教先自鄉里烝羣髦古云將相本無種從今着意鞭兒曹

金

題張彥寶陵川西溪圖

元好問 太原人

松林蕭蕭映靈宇嶸石流金不知暑太平散人江表來自訝清涼造仙府不到西溪四十年溪光林影想

陵川縣志

卷廿八

藝文四

十一

依然當時滕上王文度五字成詩衆口傳忽見畫圖

疑是夢而今塵土沆華顛

陵川在太行之巔蓋天壤間清涼境界也江維太平

敬人題詩東廟自謂已造仙府悵居民不知其樂耳此縣先君子舊治襄陽西溪僕以童子侍焉彥寶出此圖求賦詩感今悵昔爲之愴然故篇中有及矣丑十一月三日題

送詩人秦畧歸蘇墳別業 元好問

三月不見君渴心欲生塵論文一樽酒雅道誰當陳
昨朝見君臨水句乃知抽青配白非詩人南山明月
北山雲恨君不作山東隣擊鮮爲具非無好事者天
隨杞菊年年新石川茅屋連蕪墳兩兒力耕足養親

君詩或者昌晚節不應道路長
遂歿白髮刁騷一幅巾
豐年鄉社樂閒身
寒驢馱入醉鄉去
袖中知有眉山春

穀靡靡 上上黨公府作

秦畧 邑人

穀靡靡青割將來強半粒
急忙舂米送官倉
只恐秋風馬塵起
官倉遠在蒹葭山
南梯直上青雲間
梯危一上八九里
之字百折繁
迴環憑誰說
向監倉使解面
莫教高一指
請君沿路看
擔夫汗顆多於所擔米

(元)

陵川縣志

卷廿八

藝文四

十三

太行望

郝經 邑人

半天遮斷連青城
去差雉堞雲間橫
當時十歲初渡河
舟中錯愕來相迎
今年恰得到蕪門
百泉亭上更崢嶸
千岳萬壑入絕壁
落日倒銜山盡赤
玉立萬仞磔鯨牙
金翠千層擁
翬脊天沉影
重看不足雲
淨州虛晚尤碧
西北兩峯寒
云是雙石人不覺
淚橫臆患難思
二親一從戎
馬三十年桑梓
慘澹埋荆榛
何時突兀過
絕頂拜掃邱
園見鄉井
黃沙神頭聞
有千尺松灑
盡苦淚
吟長風
注目只向東海東

太行元氣果不死，弊世有此魁傑士。胸中羅列世間書，泛異窮奇無不至。嘗借莊周十日還，成誦未嘗遺一字。萬言默識殆先時，記問區區總餘事。詩文清雄簡且高，濶步不讓坡谷豪。散談四座誰敢言，橫膝搔吻獨滔滔。未見皆如汲冢竹，割開春若并州刀。迢遙孤風送行雲，爽朗夜月虛秋濤。初欲有爲下天井，寡鶴遂抱霜毛整。時危事去可傍人，清露滿天還自警。終不一到當塗門，迴視俗子徒紛紛。洛城西南有佳陵，川縣志

卷廿八

藝文四

十三

讀遺山文

藜杖行

郝經

荒藜一兩青，墻隅數莖拗。深勢扶疎柯，葉張磔忽過。墻赤絲綰結，綠珊瑚。雨餘霜重凋，傷後瑩節高。肥幹枯瘦斷，截爲杖。勁且堅，黃玉壓手光欲透。更將月清晞，朝暎潤滑隱。隱隱分細紋，家君垂老添數僕。憑藉看

月復穿雲倚牀半夜風雨怒只恐飛騰作龍去乃爲
作詩重相告從庾少陵挑杖句天生此杖向吾家再
起衰宗振國華會當直到太行頂指點千年墓上花
剗除蕪穢重酒掃橫膝琅琅過庭教楮傾柱壞植孔
孟亦使子孫扶聖道

題郝內翰所作夢觀瓊花賦後

張

翥

襄陵人

釣魚山前龍上天武昌城外走蜀船老奸欺國馳露
布使者坐囚吞雪糞潰兵一夜甲填水血汗木綿花
下鬼豈知老仙方卧遊鶴背天風扶夢起頽雲扶月
陵川縣志

卷廿八

藝文四

十四

光西流玉簫聲斷江聲愁露華泣盡瓊樹死廣陵春
色寒於秋百年遺賦人爭重勁墨迺毫精爽動節旌
零落喜生還回首江南已如夢花神換根春更芳想
像月色扁餘香楚招無人青鳥去公不少留涕泗滂

明

太行山行

石

珠
豪城人

太行之山何崔巍巖幽谷隱藏風雷漢軍已料騎士
屈魏武重歎車輪摧其間如陁下如井雲作炊烟濕
垂纓羊牛只道來層霄雞犬方知接入境山僧何年

住山頂亦有山田二三頃非關避世應避名我欲從之玩流景

題雪竹

王尚綱郊縣人

君不見東風入上林紅芳顏色新又不見薰風過南浦萬卉那可數卒然搖落金風起上林南浦一時枯惟竹青標延歲月陰崖寒谷長飛雪成云枝幹奇要
是根株別冰壺秋月羞君潔嗟哉此君真苦節嗟哉此君真苦節

初過武子見壁間所題雪竹画乃知蒼谷先生爲

陵川縣志

卷廿八

藝文四

十五

武金壇夫人姬氏永者也夫人清苦蒼谷先生之題盡之矣余恐其久而湮沒乃移之於石是舉也蓋將以夫人之德彌久彌彰併金壇公刑家之化及人之政於是乎益可徵也已知陵川縣事關中李麒謹跋

國朝

鐵花行

周京

試燈時候繁新火簇着冠兒鬪花朵星流電掣須臾間閃睽晶毬滿街墜未聞鼓鑄融洪爐燒鉛鍊永精

金鋪青黃反覆視人面火候一足爭宜呼

近爐火視人面青者

熟黃者足紅過郎不成花

健者祖說擲丹砂橫飛十丈開明霞凌

雲高樹觸星點紛紛散落蒼苔花千花萬花半空起

天女乘鸞啟玉齒盡掃瑤臺絳闕雲打魂成團作歡

喜我聞下策用火攻看爾勇猛肩胛紅幻弄奇技供

一笑捲地疾走驚兒童

遊靈泉

顧

無錫人

霜落風高重九日萍踪从托寒暄易將雛旅雁更悲

秋愁坐書齋頭欲白招邀同到此山中中有幽棲據

陵川縣志

卷廿八

藝文四

六

龍脊縉紳先生雅趣多點綴林泉成勝跡仰視層巒

插天立俯聽流泉探地脉山靈不放山骨埋山亭新

建賢侯額花黃冷艷泛寒香亦是花中真隱逸蕉酒

殷勤且共歡興酣脫帽傾瓊液軒冕泥塗雨不妨奚

必拘拘事跼踖人生百年得幾時領取秋光莫輕擲

屈宋文章誰主盟當時杜老真詩伯賤子蛩吟愧不

文聊將俚語引新壁醉罷狂歌歸去來明月山僧送

行客

崇安寺古松

石鵝翁 湘潭人

烟霏霧霽佛天綠老松偃蓋根蟠屈濤挾雨聲雜楚
音鶴折子落打僧屋方丈六月如秋寒行脚兒童嫌
衲單火宅人世正愁苦那知此處清涼團我欲箕踞
此松下脫巾露頂受風灑有夢不占十八公放懷且
當萬間厦人生百年貴適意功名事業不須計君不
見崇安古寺老松樹香雲花雨相沾溼萬古不遭斤
斧伐常得支離白雲際

崇安寺古松

項

炳

江西人

晴空霧捲青鴛屋偃蓋孤松青藹藹挺秀龍岡幾百

陵川縣志

卷廿八

藝文四

七

年貞蕤含芳攀老綠礪阿常崎白雲隈鉄幹扶疎真
蹠跼芟芟初來嶺畔風濤聲擁處漱金玉當秋度月
影婆娑有客羌來松下宿飛節芝旁嘯也歌燃枝爲
鮮傾醺醑問渠歲歲發春華經霜自古推寒木不隨
紅雨閩媽妍不共冰綃劫寵辱柯葉森森貫四時齊
天等地超凡俗姑繇終作棟梁材寧許沉精老幽谷

慶有亭

項

炳

閒遊慶有亭靜倚欄干立乾坤一望中嵐光飛几席
轟轟湧晴烟環亭青且碧斜窺雉堞低屹墉雉咫尺

烟火萬家春滿城
花笑日臺榭聳層霄
圖画窗中集
吾思大造一浮漚
有如白駒催過隙
當筵得酒騁幽
懷身外浮雲安足惜
頻傾綠蟻沁詩脾
捉巧藏鈎資
酒力醅酌自覺天地寬
可能醮墨敲香自掃文犀
筆
有客問我曰歸乎
我則曰遣奚奴驅齧膝
醉折花枝
嘯且歌也應踏遍蟾光
依盤崖

黃園洞歌

孫必振 邑令

黃園之山山谷口夾崖
長林風怒吼曲磴嶙峋
鳥道通扶筇巔巔登緣
陡峯回路轉現琳宮
老衲藏修時

陵川縣志

卷廿八

藝文四

六

歲从爲言洞中別有天
登探須把衣衫抖
洞口霏霏煙霧輕
莊嚴妙相當牕牖
座後突兀說法臺
寶塔玲瓏三五耦
石乳懸空滴漉漉
漿龍泉清冽激瓊玖
四壁斑斕翡翠屏
鳳篆龍章雜蚪蚪
石芝倒掛白鴿飛
石脊蜿蜒蒼螭走
更有幽奇探不盡
洪濛浩氣忘昏酉
肅肅陰森衣袂涼
炎天六月歸何有
遊罷玉樓肌粟生
幸有高人載斗酒
把盃長嘯響天風
欲起何妨時
被州村農皓首喜
相從不減山陰五
老叟魚羔蒸黍
酌使君使君莫負攀
枝手秋來紅葉滿
山隈乘興還

思來再否

熊山吐月

陳封舜 邑令

皎皎東方月團團峽中起休疑垂兩足奮熊雙削耳
山開一鏡明華映兩峰紫古今望月人徒嘆隔千里
河如白玉盤夜夜脚山趾桂枝低可折嫦娥近可指
拉熊扶額踏當頭月來闖入蟾宮裏探奇自合據要
津抱日海門亦如此

登太行山絕頂放歌

王篤祐 邑令

太行山色天下稀上接參崴連雍岐不雨不晴何窮

陵川縣志

卷廿八

藝文四

九

窅空濛雲氣相因依萸茨朝暮數變易羲娥出入爭
蔽虧前峰未已後峰轟譬如萬馬齊奔馳又如神龍
戲滄海之而鱗鬣無不為九千四百八十仞上黨以
南大河西有客牽衣為我語十年不到夢見之場來
僕被入三晉俯仰懷古心酸悲古人不見今人傷狂
風黑月天茫茫玉女投壺光下露乘雲徑欲排帝閭
白日西行不到地陰霾一氣連清蒼以手捫星坐長
嘆牽牛織女遙相望中有飛鳥不得渡盈盈一水限
河梁我所思兮溲何方欲歸不歸晚故鄉手弄日月

吞三光鳳鼓翼兮鸞爲翔下視蓬島波洋洋雲車指
點引歸路美人招我南山陽噫吁戲太行山色鬱崔
巍河聲終日鳴如雷遠方之人胡爲來茫茫中道無
與偕側身南望傷心懷

九日一覽亭登高

程德烱 邑令

九日風光樂清敞俗醇政簡足游賞一覽亭枕西山
麓萬戶魚鱗示如掌茱萸作佩幾家新凸坳登高多
醉人我亦出郭高酌酒時清無事逢茲辰家山遠隔
楓香驛濠上秋光懷曩昔聚星堂遠不可到皖伯臺

陵川縣志

卷廿八

藝文四

三

向夢中憶承乏茲土今幾霜逢秋便愛黃花香一覽
一快供一酌興來今日累十觴樂意不必寄絲竹但
願吾民適其欲飽覽歸卧東籬下如繡風烟尚在目
石勒塚 張承綸 高平人

洛陽東門胡雛嘯五岳塵飛始羣盜魚龍髮際一時
傑乘機鳴鏑騁凶暴運籌子房張右侯季龍克殄十
三州趙王趙帝誰能節自方開基介二劉怪雲如幙
妖石墮殷雷震地土燃火蒼黃夜半庵深山高平文
物陵虛鎖清亦界下河流丹麓城五月松楸寒紅日

當天走狐兔牧樵躑躅下崇安古寺傾廢春草綠於
鐸無聲山鬼哭孝文誠非將家子伊霍終爲破車猶

陵川古意

徐還泰 邑人

荒堞楚陵亦抱川每於林杪見朝烟分符會以開皇
威建社猶傳大業年烟寺石印薄城隅日照龍門晚
不去天布朝霞列錦屏春色西來滌煩慮獨秀芙蓉
上有仙能招雲氣秦嶺巔琴歌風雅懷貞白芍藥名
流課酒錢雙開熊耳月華吐高懸靈瀑如飛素怪煞
黃梅洞裡天蒼龍玉兕能呵護傑立太行霄漢間等

陵川縣志

卷廿八

藝文四

三

聞指顧見千山中
有鳳山真英絕飛閣長松義夢閒
俯視中州何其峻九千四百八十仞
谷靜風傳太古音隴頭擊壤謳堯舜
地偏突厰清涼界由來上女鮮
機械蕭蕭市路寡羅裙秉耒橫經誠
不懈忠孝文章羨有餘遺山老筆有
成書義烈賢良相競爽後先炳炳
炳賁徵車丈夫時異嘆遭逢誰向山
深辨虺龍睡起餘酣成獨嘯幾回閒
看崑元峯

五言律

金

游石壁

郝天挺 邑人

絕壁秋雲勝、荒墻冷氣清、野僧遲客飲、山鳥習人鳴、
已極登臨興、無窮今古情、浩歌入樽酒、四海共昇平、

元

送郝季常赴正陽幕

劉 因保定人

上黨清涼界、超然慕白雲、名家得之子、勝境苦平分、
鼓角生新壯、詩書失舊勤、江淮古形勢、有樂在從軍、

明

西溪壁間得屏字

婁夔雲 邑人

陵川縣志

卷廿八

藝文四

三

曲水圍青帶、回岡抱翠屏、冠裳仍廢榭、鷗鷺自寒汀、
霞覆千年樹、風翻十月萍、少陵何處問、徒倚白雲亭、

同武少原宴古賢寺清涼泉

袁 淮邑令

鶴擎披丹嶂、名泉泛玉觴、吾曹兩龍劍、萬古一滄浪、
花落隨天女、雲深度上方、高僧有靈惠、徒此挹清光、

登九仙臺

袁 淮

蕭瑟河東尉、東登仙子臺、丹砂遲歲月、身世一悲哀、
石磴穿雲上、霜蹄俯棧迴、舉觴邀白日、酌酎固山隈、

登九仙臺

武思孝 邑人

罷訪層岩洞還登仙子臺
巉嶮凌丹碧彤圖挂鳥萊
何年遂獲隱卧此白雲堆
寄和貞白子登九仙臺
武思孝

命駕追仙跡傳時見景曾
林深陰日月春暖尚霜冰
落照層巖渡寒雲萬壑興
仙即獨高與不與我同登
其二
武思孝

謝俗飛仙鳥凌巖採玉芝
臺無青鳥跡駕有白雲隨
細雨沾衣落遲風拂面吹
徜徉嘯空谷九老盡何之
與福禪院古栢
王元祚 邑人

陵州縣志

卷廿八

藝文四

三

古栢可亭中蒼蒼翠滿叢
偏宜秋月白更許晚霞紅
有子心原苦無花色亦空
知君持晚節不與衆芳同

古賢寺

陳 斐 鄠陵人

澗深夾峭壁山折路猶迂
泉响遠還聽嵐光近却無
崖松真可友茅屋亦堪圖
何必桃源境丹霞即闍壺

贈別袁貞白先生

徐 休 邑人

八載今重會溪山一日遊
仙臺尋隱跡洞頂眺河流
別路人爭候鄉祠宿共投
飛槎天外落雲樹思悠悠
贈別袁貞白先生
徐 棹 邑人

夫子含香客，聲名動帝京。餉軍過舊縣，攬轡出山城。
父老拔輶卧，兒童竹馬迎。征車竟莫挽，別恨不勝情。
過鯉池寺

李萃秀

邑人

東陵堪避難，蘭若縱閒遊。巖徑逢僧話，濤聲動客愁。
捷音頻着耳，詩思幾搔頭。安得清冷路，一消兵火憂。
西溪春色

李開秀

邑人

春風澗上好，雲日漲青烟。漫綠白何了，疎林花欲然。
香流紅雨外，翠滴玉壺邊。乘興訪嵇阮，溪頭問杜鵑。
古陵烟寺

李開秀

陵川縣志

卷廿八

藝文四

詩

城郭烟霞老，蒼蒼抱寺門。迴廊留月色，斜壁走雲痕。
靜影香臺繞，清音石磬存。禪林一夜雨，市井滌心魂。
熊山吐月

李開秀

狐猿啼處處，熊耳鬱網緼。報白雙留影，含青不斷魂。
花情麗峭峽，笛意吹崑崙。下壑非人斧，開山作海門。
仙臺勝槩

李開秀

峰高幽隱脩，渺渺仙風多。靜扣九還妙，遙登十丈峩。
箕敲連斗柄，茶熟飲天河。七日呼王母，洞中事若何。
聞陵川有警

潘憲王

追獵山中寇，農桑殊可悲。黃巾還自敗，白馬竟何之。
鳥合枯林夕，魚游洑鼎時。材官幾篳策，况有射鵠兒。
國朝

十四夜偕同學致遠樓小酌是夕陰晦待月不

至賦贈二律

嚴肇壙 烏程人

客路逼中秋，鄉心起暮愁。同人俱載酒，待月且登樓。
燈火千山夕，琴樽一閣幽。相期須盡醉，夢作廣寒遊。

其二

嚴肇壙

天意知人意，良宵客路難。故藏明月影，不教與鄉看。

陵川縣志

卷廿八

藝文四

五

雨葉當筵暗，風燈掛壁寒。願留餘興在，明夕繼清歡。

春日陵川對酒

汪履基 全椒人

把酒意不遠，行吟南陌頭。可憐古時月，空照今人愁。

羈鶴朝思侶，孤鸞夜憶儔。迢迢千里夢，宋玉此淹留。

魯山村郝文忠公故里

太守朱樟 錢塘人

青氣洩黛烟，迤西勝地偏。地按西溪鷄鳴三晦宅，地名鷄鳴村見

金鹿角一刀田，疎族繁枝衍。村中郝姓皆公遠族孤忠衆口傳。

過溪松韻落，覽古企前賢。

青草深林色，元遺山魯山臺詩香草空深林風流接汝南。公避地河南魯

山見元 鴈池人不見 沾汁飲猶甘 學絮殘春柳 驚眼
淺夏蠶從人 訪遺跡來往 恣幽探

陵川城南謁郝文忠公祠仍疊前韵

朱 樟

晚巷閉寒烟 壤題一徑偏 已凋池上樹 誰拜墓門田

桃梗人難辨 蟲碑字失傳 廟石二道 俱無字 上丁陳俎豆 幸

躋類宮賢 公祀典在 春秋上丁

鏡鄒亭外路 寄恨與淮南 公留真州新 館有鏡鄒亭 大節人難及

孤忠死已甘 祝詩因愛鴈 惜帛更憐蠶 帛書高五寸 博二八元仁

陵川縣志 卷廿八 藝文四

宗時詔裝演成卷集賢文 後 棣萼春何晚 堂成許共探

臣題識之見宋文 祠即公棣華堂故址宋 巡察欲重修因有落句

謁郝文忠公祠

雷 正 邑令

瞻向城南路 先生有舊祠 棣華留往蹟 蔓草發春時

右社供香火 諸生候屢屢 老諸生李煥 日供灑掃 慚余邑令尹

薦菊採東籬

重至龍王泉

王篤祐 邑令

偶愛水清淺 重來芳樹陰 烏啼故相識 雲在若為尋

鸞鵲日 移午盈盈花 滿襟脩然遠 城市安得慰山林

龍泉曲水

程德炯 邑今

一潭龍窟水宛轉瀉成溪源逐峰腰散波疑巴字迷
蔚藍天影曲迤邐野花齊合集蘭亭客流觴東復西

遊黃圍洞

施璿樞 榆次人

性愛探奇勝黃圍洞鬱深踏雲行曲徑攀石到禪林
幽境滌塵胃空山生道心歸來一返顧翠靄碧沉沉

乾河道中

施璿樞 榆次人

結屋空山裏家家入翠微片雲生石壁流水護柴扉
鷄犬能相認牛羊聽自歸陶唐風景在一路學忘機

陵川縣志

卷廿八

藝文四

七

落鴈池懷古

張又華 高平人

一泓春水綠猶是昔賢居池擬金明舊人歸思難餘
橫波浸翠黛倒影入青虛終古隨陽鴈年年泣帛書

春日遊西山

和元化 邑人

雅負名山癖捫蘿數徑選情豪捐肺病日爽見溪炬
紅杏能含笑青楊願弄妍披松呼石丈拜澗忍經年

含珠岩

武靖遠 邑人

雅愛林泉勝尋幽百里餘巖危還綴菊澗窄亦游魚
鳥道雲崖險人烟草樹疎興來無限趣那復憶吾廬

宿鯉池寺

武靖遠

邑人

陟險叩禪扉，孤峯翠黛圍。
肩擔雲欲卧，宿樹鳥方歸。
厨冷茶烟細，堦空木葉飛。
莫嫌山寂寞，松色屢沾衣。

拜郝晉卿先生墓

馮

魏 邑人

愛山羞捷徑，文獻重吾鄉。
跡隱名彌著，身埋道自芳。
殘碑留夕照，孤塚發清光。
仰止風斯在，山高與水長。

宿奪火雲居寺

和友邦

邑人

精舍建何年，禪林別有天。
閒雲眠石徑，皎月照山泉。
犬吠松門靜，鐘鳴佛火懸。
軟紅此間歇，一榻卧寒烟。

陵川縣志

卷廿八

藝文四

三

宿崇安寺

武維城

邑人

為愛招提靜，當空皓月臨。
三更清道味，午夜肅禪心。
松古蟠千尺，樓高聳百尋。
殘燈相笑傲，載酒樂微吟。

重遊西溪

武維城

欲足閒中趣，仙宮可復遊。
蒼松何鬱鬱，碧水正悠悠。
木落人煙淡，山空鳥道留。
特來叅妙諦，此外更何求。

餘興登菊嶽山

武維城

策馬幾忘住，同登菊嶽山。
僧房仍寂寂，落葉總閒閒。
松古成喬木，峯高接遠巒。
壺傾天已暮，且趁夕陽還。

龍泉山沼

馮浩然 邑人

翠嶽千峰聳，潺湲幾曲長。一溪流水遠，到處落花香。
寂坐松陰靜，高秋酒興狂。徘徊新月上，世外樂徜徉。

西溪春色

馮思良 邑人

一徑入峰西，迢迢勢轉迷。重重山翠密，樹樹杏花低。
野鳥歸青嶂，遊人渡舊蹊。綠陰濃欲破，借得曉鶯啼。

黃園洞

秦懋效 邑人

古洞雲封鎖，年深積藓苔。巨靈何代鑿，俗客不曾來。
繞曲盤龍穴，陰森卧虎臺。春風瑤草路，樹樹碧桃開。

陵州縣志

卷廿八

藝文四

完

春日原上

秦懋效 邑人

春水漫高下，沿溪柳滿堤。鳥鳴山翠裏，家在石橋西。
野火隨風起，桑田帶雨犁。年年原上路，烟草自凄迷。

龍泉曲沼

秦懋綱 邑人

白鳥飛溪渚，西風水自流。冷雲孤壑暮，落葉亂山秋。
已與塵中遠，因知世外幽。抱琴蘿徑卧，期宿候同遊。

靈泉

秦學南 邑人

醉卧陂塘下，心閒物自閒。野花翻石壁，高樹插雲間。
緩酌盃中酒，遙看屋上山。翻然警午夢，樂意總相關。

靈泉

秦學南

野寺澄清徑，飛泉繞屋流。憑欄舒望眼，對景自悠悠。
白石和雲煮，青山對水浮。鳥鳴幽澗底，應為客情留。

靈岩寺

楊灝 邑人

何代靈岩寺，週遭峭壁封。一燈明古刹，雙碣冷蒼松。
閒拂檻邊翠，臥聽雲外鐘。晚來明月出，恰照正中峰。

花瓶寺

楊灝

幽覓花瓶寺，盤迴入薜蘿。白雲封谷口，紅杏滿岩阿。
禪意妙香永，佛心空色多。無人知此境，惟有老頭陀。

陵川縣志

卷廿八

藝文四

三

夏日過崇福寺

薛景作 邑人

古寺傍山曲，蒼茫雲樹深。綠蘿繞蹊徑，脩竹蔽庭陰。
霽色含殘雨，泉聲雜梵音。徘徊香閣下，清况滌塵襟。

靈崑寺

孫璋 邑人

何處散塵襟，幽尋蘆菊林。石堂丹水曲，松院白雲深。
破衲閒僧意，空潭古佛心。草深人跡少，鎮日坐清陰。

華崑寺

孫璋

野寺空山裏，秋風一逕斜。古牆猶竹色，深院落槐花。
草沒空王榻，雲棲釋子家。我來秋水澗，為愛讀南華。

過寶應寺

秦懋經 邑人

路轉孤峯出林，開見石闌白雲歸。亂壑斜日下危巖，草色開門靜松。陰古殿寒言尋仙洞，在高卧欲燒丹。

喜雨亭

傅 巖 邑人

野亭鎖溪水，小竹梁薜蘿。陰倚檻看山色，夕陽嵐翠深。牧童歸遠渚，飛鳥下前林。俯仰天地濶，披襟三弄琴。

五言排律

(宋)

太行

司馬光 夏縣人

陵川縣志

卷廿八

藝文四

三

象帝胚渾散，愚公轍迹開。橫行四極外，蟠踞九河隈。峴鬱天關近，崢嶸地軸回。陽崖明草樹，陰壑轉風雷。波沓羣峰涌，雲奔峭壁來。猿嵒垂磊落，龍窟闢喧阗。噴雨驚湍灑，跳星巨石頽。平塗憂展折，跬步戒輪推。覆頂千春雪，緣潭萬古苔。谷盤容國士，髓裂餌仙才。晉市飛樵札，燕郊落燒煤。碁圖分冀野，蟻壤認叢臺。在昔王塗塞，嘗聞霸畧恢。嚴關陰伏甲，開道夜銜枚。挾詐揮金斗，貪功襲墨綈。戰場空燭火，京觀悉蒿萊。險易會何變，興亡只可哀。隆平方恃德，襟帶自崔嵬。

元

讀國信大使弼公帛書

王逢

西北皇華早東南白髮侵雪霜蘇武節江海魏牟心
獨夜占秦分清秋動越吟蒹葭黃葉暮苜蓿紫雲深
野曠風鳴籟河橫月映參擇巢幽鳥遠催織候蟲臨
衣攬重裁褐貂餘舊賜金不知年號改那計使音沉
國久空皮幣家應咏藁砧豚魚曾信及鴻鴈豈難任
素帛辭新錦教弓入上林虞人天與便寄事感來今

七言律

陵川縣志

卷廿八

藝文四

三

宋

登第

崔有孚 邑人

太平天子御金鑿奎宿光芒午夜寒漢代文章推董
賈唐家科第屬歐韓龍門浪暖成頭角鴈塔風高快
羽翰最是看花年正少莫將溫飽問儒冠

上太行

徐範

路繞羊腸躡屐躡嶠萬山金碧總堪題舉頭日月中天
近極目乾坤五岳低自笑拉車馭驥厄誰憐荆棘鳳
凰棲欲投古寺禪房宿喜見僧歸落日西

金

寄答景元兄

元好問 太原人

故人相念不相忘，頻著書來約對床。甚喜樵夫與爭席，所憂簿吏復登堂。春風和氣隨詩到，洛水秦山引興長。奮袖高談夜窻白，幾時危坐聽琅琅。

高平道中望陵川二首

此縣先隴城府，君泰和中舊治。

元好問

列宿澄明墨綬尊，中臺良選到名門。來時珥筆誇健訟，去日攀轅餘淚痕。一片青山幾今昔，百年華屋記

慶川縣志

卷廿八

藝文四

三

生存泰和遺老，今誰在向道。其棠有子孫，

鈴閣文書到酒卮。諸曹小吏亦抄詩，座中佳客無虛

日。簾下歌童盡雅詞，棠棣有花移舊巧。櫻桃和露彈

繁枝，書卽零落頭今白。腸斷荷衣出拜時，棠棣櫻桃皆當時舊

事

贈答却經伯常伯常之大父，予少日從之學科

舉

元好問

故家珠玉自成淵，重覺英靈賦予偏。文陣自憐吾已老，名場誰與子爭先。撐腸正有五千卷，下筆須論二

百年莫把青春等閑了。蔡邕書籍待渠傳。

元

贈司馬道士

劉因 保定人

仙界清涼亦陸沉。風流儒素渺難尋。白雲自解留佳客。青帳端能鑠壯心。知己未論鵬鳥賦。移人先聽水仙琴。野夫近有南來興。乞我庵前十畝陰。
司馬氏陵川名家陵涼境界

憶郝伯常

劉因

一檝期分兩國憂。長纓不到越王頭。玉虹醉吸金陵

陵川縣志

卷廿八

藝文四

三

月元鶴孤遊赤壁。秋漠北蘇卿重回首。天南王粲幾登樓。飛書寄與平南將。早放樓船下益州。

先大夫忌日

郝經 邑人

墨綬歸來草滿墳。擬將還墓奉遺言。幾年竟墜蹉跎計。萬里徒勞慘澹魂。客裏可堪逢忌日。夢中却得見生存。
連夜夢見先君如平生 遙知今夜佳兒女。哭斷寒雲靜掩門。

送陵川魏夢臣

郝經

太行一脊壯中州。上有吾家最上頭。蓬髮他鄉淹歲

月錦衣何日拜松揪塵埃滿而將何往羽翼生心慢
起愁開說嶽華堂尚在紫荆花好鶴鶴羞

題郝伯常雁足詩

張栢

深羈孤館鬢毛斑猛虎搖鬚障海髮玉樹已歌歸逝
水羽書難射隔平山不須鴛乳終回漢肯學鳴鷄詐
度關一寸鷓九憲鴈寄明年春盡竟生還

過浚河

張黼邑令

浚濱抖擻布衣塵不意羈縻又浹旬
夢裏松杉孤客淚雨前薇蕨故園春
身無定跡空懷德藥有何方可療貧
最恨石橋東畔柳競開青眼看行人

陵川縣志

卷廿八

藝文四

三

明

次西溪春色韻

李滄邑令

山為屏帳石為臺水府龍宮曲折回
蜃氣結樓迷澗壑虬枝疊翠落莓苔
阿香行雨隨車去螭蟻興雲出洞來
熊採山人歌伐木不知身世在蓬萊

天旱祈雨於佛山寺

李滄

神山頂上接樓臺墨客詩僧日往回
載牛古碑多歲月棲鸞老柏半莓苔
雲從熊耳山頭出雨自龍池水

面來一點紅塵飛不到始知人世即蓬萊

龍門晚照

李滄

排闥山形類禹門夕陽返照倒金盆
落霞隨鶯爭高下宿靄和烟互吐吞
鴉閃殘暉投遠圃馬嘶官道盼

孤村陵川勝景真如畫天設元無斧鑿痕

西溪春色

李滄

層層樓閣鎖丹臺仙子乘鸞去不回
聯錦有詩開翠壁採芝無路印蒼苔
樓真洞口雲常在掬水溪頭月自來
水旱只因遺廟祀幾時飛佩下蓬萊

陵川縣志

卷廿八

藝文四

三

西溪春色

趙焯 蒲城人

山中三月春無信携酒西溪問杏花
臨路一枝迎我笑夾河十里傍誰斜
金穿高柳鶯求夜泥點空梁燕作家
踏月醉歸香滿袖明年還看上林華

悼牛耕詩

王克耘 邑人

流賊中原敢弄兵憑君一語得全陵
人民安堵無遭戮城郭依然不被傾
壯志應知同許遠捐生該不愧真卿
當時邑宰何無報直使英雄悼血繩

遊崇安寺

劉鍾英 澤州守

客裏踈偷半日閒，舊時僧去未知還。
秋初渾愛桑麻長，雨罷頻聽殿閣寒。
聲落煙雲南過雁，勢連城市北來山。
樓高却望陵川下，兩袖天風暮倚闌。

崇安寺次韻

郭堅

解組歸來杖履閒，喜陪星駕醉忘還。
輕雲半榻禪機靜，新雁一聲秋色寒。
逸興偏題樓外景，好懷惟托眼前山。
使君去後棠陰在，明月不堪人倚闌。

崇安寺

馬炳

招提雄峙翠微中，獨占陵川第一峰。
貝葉初翻青霧集，沙門未啓碧雲叢。
上方禪客晨炊罷，劫火頭陀曉夢空。
古刹何知因趙守，老僧時對夕陽紅。

陵川縣志

卷廿八

藝文四

三

太行高處不勝寒，積雪危峰霄漢間。
凍後幾經紅日落，晴時遙見白雲閒。
東皇布令開瓊島，北帝司權啓玉關。
六月相將迓酷暑，冰崑疑不在人寰。

馬武山

馬炳

疎櫺斐几漆方牀，習解征鞍宿上方。
石徑春陰松滴翠，山房晝暖藥生香。
溪雲欲動琅函潤，澗月初來碧

崇福寺

何喬新
廣昌人

疎櫺斐几漆方牀，習解征鞍宿上方。
石徑春陰松滴翠，山房晝暖藥生香。
溪雲欲動琅函潤，澗月初來碧

殿京最愛大顛無星礙靜中應笑退之忙

道中間俗

鄭洛冀南道

仗節觀風逐太行陵川遺俗自陶唐幾家茅屋千山
暮一徑烟蘿五月京雲裏孤城羸市井雨中絕頂見
耕桑民間生事猶難問巖谷蒼茫思未央

古賢寺

武儀邑人

齊雲峰對懋層樓四顧溪山總是秋黃葉滿階風自
掃碧烟當戶雨初收雲封僧寺藏松樹日轉花陰挫
石頭高興翩翩天壤外題詩只為主人留

陵川縣志

卷廿八

藝文四

吳

箕子山

武思明邑人

憑虛望遠坐箕山萬壑千峰似玦環泉石歲華閒蔓
草町畦村落杳塵寰壯懷感昔龍高卧幽思深慚豹
未斑聞道古人遺跡在樵夫遙指白雲邊

秦嶺卧雲

武思明邑人

青山遙望若屏開上有閑雲漫作堆黯淡久停籠澗
壑氤氳常是護樓臺只宜隱士自怡悅更許幽僧共
遣排莫謂無心還有意要為霖雨潤埏垓

孤園山

徐休邑人

孤標千仞立層空，秀出塵寰第一峰。高髻雲深堆翡翠，青螺雨霽插芙蓉。忽升象外三千界，似躡雲衢幾萬重。最是邑中奇絕處，從來雄峙鎮提封。

佛子山

徐河 邑人

絕頂諸天此搆臺，忽捫斗極見昭回。左齊右晉分基局，北嶽南嵩覆廩堆。野鳥倦飛無力上，閒雲投宿有時來。勢翹兩黨諸山外，獨自攜筇卧草萊。

西溪同中山李公次韻

徐河

緣蘿躡磴到仙臺，性愛尋幽喚不回。空院荒涼深歲

陵川縣志

卷廿八

藝文四

五

月古碑剝落半莓苔，燒丹洞口雲空在。煮石林端月自來，好景相逢成樂事。何須海上覓蓬萊。

石勒塚

武俊 邑人

五胡石勒壓羣曹，長嘯東門氣自豪。瓜割一方成霸業，鼎分五馬賴時髦。並驅光武言徒大，不學曹瞞識頗高。莫弔孤墳傷往事，晉家宮闕亦蓬蒿。

石勒塚

張信 邑人

龍虎紛拏勢若蒸，當時晉勢漸侵凌。洛門長嘯心何壯，襄國稱雄志已增。偉績盡知書往牒，英魂誰識寄

高陵西風晚，眺層樓上山。山欄于獨自凭。

西溪次王六泉登樓韻

徐燾 邑人

喬松古柏蔭宮濃，載酒借朋宴眺中。沿岸園林紅杏擁，逼門石磴綠苔封。龍祠泉噴流深壑，仙閣霞飛耀遠空。酣飲不知天色暮，醉歸扶杖過橋東。

同懷雲登箕子山

王克耕 邑人

與君乘興上箕山，萬仞丹梯任意攀。樹杪緩行同躡足，石巘笑飲共開顏。飄飄天外凌歌袖，裊裊雲中舞佩環。自是謝安多逸興，日西著屐漫追還。

陵川縣志

卷廿八

藝文四

四

仙臺勝槩

寧守初 邑人

屹屹層臺聳碧空，棲遲當日隱仙翁。碁敲石上千山月，笛弄崑前萬壑風。香雨洗天松子落，寒雲匝地樹陰籠。晚來洞口留殘照，疑是燒丹火尚紅。

仙臺勝槩

武鎬 邑人

翠壁丹崖數百尋，攀蘿躡磴上雲岑。仰穿石洞龍蛇窟，靜聽松風鸞鳳音。容我乾坤真浩蕩，同君天地幾登臨。青囊自有長生藥，何用抽簪學道林。

庚午長至駐玉溪

王肇生 冀南觀察

午夜提兵驅玉溪上方一榻借禪栖
山頭斗接諸天迥峽裏烽傳萬木西
滿地豕蛇驚破竹何人鎖鑰抵
丸泥曉鐘未起嵐光冷有客
婆娑聽舞鷄

龍門晚照

都永思 邑人

西峰拱翠號龍門口薄崇岡
尚未吞天關倚蟾姿象
緯月華將出報黃昏人看佳
景沾行露鴉背殘陽翥
別村終納震淵沉海底暫留
餘彩照乾坤

熊山吐月

都永思

山如熊耳一雙眸夜夜冰輪
向此生桂影扶疎搖海

陵川縣志

卷廿八

藝文四

望

瀚蟾光皎潔映空晴珠呈老
蚌分開碧劍落高峰割
破青獨立良宵清不寐令人
却憶李長庚

熊山吐月

司之翰 邑令

兩山高並立雙熊夾捧銀盤
上海東松柏參差搖桂
柯岩巉超絕倚蟾宮偶因甲
地鍾神秀每使詩人詠
畫工雲振滄溟龍起盤
啣珠一躍吃晴空

靈泉瀑布

張堯卿 邑人

行山峭拔倚雲霄空谷聲傳
瀑布潮似霞遠看渾不
見如絲長掛任風飄空濛雨
氣晴還晴滴澀林炯晚

更饒自是山靈深作事水晶齋齋齋繡瓊瑤

題徐氏義姑自徐貴徐及徐煥以下凡七世皆居世傳白髮及如等僅五世余不

取臨故詠及之

彭鸞

孕秀鍾靈本太行故家喬木倚雲長百年孝義騰三

晉累世衣冠萃一堂懿範追攀張氏轍高風遠播鄭

公喬他年太史收遺事麟華書題更有光

八景

李培秀 邑人

烟寺鐘聲時一聞忽驚晚照鬢華紋玉盃早泛熊山

月石枕高眠秦嶺雲芳草表溪難再得錦屏秋色欲

慶川縣志

卷廿八

藝文四

聖

平分不酬瀑布靈泉飲壘上仙人也笑君

趙狀元故居

李萃秀 邑人

千秋聞說狀元香况是元方與季方走馬曾看花是

錦聯奎爭羨鴈成行青山不改當年色紅杏猶含舊

日芳聖世南宮虛第一驚駭慚愧未鰲翔

遊西溪二仙祠

韓國賓 邑人

听柳蠟花山色濃碧雲深處隱仙踪流丹高閣教春

住漱玉龍泉借霧封松頂紫烟紫翠峰頭霽日插

芙蓉淹留共把清樽倒疑在蓬萊第幾重

佛山寺次壁間韻

韓國賓

瞿曇高閣枕層台萬壑千峰勢抱回
駸駸慈雲籠翠壁廉纖法雨點蒼苔
烟迷洞口濃還淡月照松關去
又來長嘯登臨空世界何須海上問蓬萊

西溪韻

婁凌雲 邑人

鶯囀仙宮春色濃人登蓬閣入雲中
欄邊石嶂青松立院內香臺碧草封
流水彈琴鳴後澗飛花倚酒舞
長空也知美景難常得自合題詩紀壁東

靈泉瀑布

李萃秀

陵川縣志

卷廿八

藝文四

四

歷盡千盤一罅開排空倒壑勢滌回
誰施練影拖蒼谷疑剪珠文綴紫苔
彩動朝雲清可供聲搖夜雨冷
宜酷冷然不減匡廬勝相對慚非太白才

國朝

弔石勒塚次韻

姚德亮 漢川人

歷歷羣山帶落落曛凄凄疑鬼唱
秋墳金湔毒盡春前草鐵騎魂銷死
後軍發掘曾應泉下滿 勒發古帝王陵寢殆盡
作勞鐘向夜深聞如何偷葬荒山裏
猶有人傳史傳

文

過七狀元祠有感

姚德亮

事過中原問去因，狀元名號七前人。獨誇虎榜先多士，並占鰲頭利用賓。一邑金元乘際會，百年鄉國歎殊倫。閒尋祠廟空山下，若箇連茹接鳳麟。

登菊嶽山

雷士佺 沔陽人

峻嶺高出五雲幽，此是方壺最上頭。萬樹松楸清影覆，一區禾黍翠光浮。老龍洞府驚狂雨，山有白龍祠是日風雨大素秋為問菊花香。發處不効重約到

林印

陵川縣志

卷廿八

藝文四

四

立秋日致遠樓晚眺

嚴肇墉

烏程人

登高易使旅情傷，况值西風送嫩涼。秋意與人同索寞，客愁和日落蒼茫。殘山斷水家千里，薄靄疎林雁一行。指點故鄉何處是，依欄無語獨徬徨。

秋日偕同學遊菊嶽山小憩松林下

嚴肇墉

獨撐孤掌小城東，生翠嶙峋映碧空。為訪秋花登菊嶽，却攜杯酒聽松風。客來犬吠寒雲裡，飯熟僧歸清磬中。幽景閒情消不去，一齊收拾付詩筒。

一覽亭

項

炳

江西人

小亭高峙白雲隈，到眼春光特地來。
樹擁錦屏橫疊嶂，烟籠古寺護層臺。
環堤柳色侵香篆，繞座嵐光泛酒杯。
醉裏共看花嘯處，紅綃此日為誰開。

再過崇安寺

馮文止

壺關人

佛家因果去來今，對此茫茫思不禁。
逸鹿摧殘中土盡，含珠安穩夜臺深。
劫灰誰辨生前骨，論世猶誅死後心。
畢竟誅非齊瓦裂，桓山石柳亦銷沉。

鳳凰窠

朱

樟

錢唐人

陵川縣志

卷廿八

藝文四

巽

何年構此鳳凰窠，那許人吹弄玉簫。
毒草經秋滯虎尾，斷崖分路轉鷹腰。
鷹腰村名入河南修武界寒蟬歇後桐初落，好鳥啼殘雪未消。
地冷只疑丹穴杳，肯容斥鷃笑扶搖。

陵川行田

朱

樟

錢唐人

辨氣猶疑四月中，高林敷綠草粘紅。
麥頭已仰無需雨，麻脚初齊尚畏風。
著絮看耘知地冷，著絮耘見石湖集籥

田逢吏說年豐，他時得稱豚蹄祝。
花落村南社鼓同。

村在縣西南

黃園靈湫

孫必振 邑令

青鞋短杖躡山岑十里嵐光雨後新
斷續蟬聲來遠岫高低梵唄隔疎林
雲生虛谷含千界氣結洪濛空四鄰
出洞塵心無著處此身疑是葛天民

崇安寺

雷正 邑令

得暇來探古寺中清風白日興何窮
周曆歷落丹崖湫林木蕭疎碧殿崇
四面煙生開晚照一樓雲起出遙空
自嫌不是陶彭澤為覓微鐘問遠公

石勒塚

雷正

陵川縣志

卷廿八

藝文四

吳

晉代衣冠對夕曛羌渠猶是剽荒墳
洛陽倚甍東門豎襄國殘魂別部軍
占得一坵汚樂土未須千口說腥聞
何緣指向空山道後趙題碑續斷文

菊嶽松濤

程德炯 邑令

遠嶽連弓勢漸高烟嵐如畫蘸周遭
祠前菊淨三秋露墜下松寒六月濤
日到漳門鋪翠毯風來天半奏雲瓊
乍聽一片湧旬韻錯認江波送遠舸

讀和陵川集題後

張文華 高平人

曾擬詞章步後塵秋來燈火况相親
中原濂洛同

古窮海水霜又一人汴水每年歸遠雁維揚幾度賦
殘春淋漓忠義毫端湧如信文從忠難真

九仙臺

武靖遠

邑人

臺高疑可接蒼穹俯視塵寰與不窮好鳥頻啼烟樹
紫夕陽斜照暮山紅雲披絮影沿階起松滾濤聲繞
徑通安得萬緣俱掃盡常來天外嘯秋空

黃圃靈湫

鄭州璽

巨靈鑿就竟如何惹得尋芳墨客過龍卧不驚神雨
井鶴飛常護老雲窩高蟠乳窟擊金界倒瀉天門轉
陵川縣志 卷廿八 藝文四 星

玉河疑到虛明小有境浩然清興發長歌

雨中望棲雲寺

武仟

邑人

山頭微雨曉濛濛佛寺蒼茫小徑通樹色未分疎密
際嵐光齊付有無中倪迂水墨清如許摩詰樓臺画
亦工遙憶山僧高卧處一峰煙雨護簾櫳

大觀亭

武仟

邑人

茫茫煙樹出城端躡屐登樓得大觀百尺文峰窻外
峙一灣碧水座中看鶯啼遠陌春將暮雲暗平山畫
欲寒匝日風光搜不盡夕陽烟雨共盤桓

登九仙臺

武 仵 邑人

百丈仙臺俯碧湍，登臨常向靜中看。
紫峰疊峙烟雲合，白雁橫秋草樹寒。
雨洗霜楓紅欲滴，風翻古栢翠將攢。
目因乘興窮千里，醉倒斜陽意未闌。

西溪春色

武維藩 邑人

山上喬松山下溪，古陵春色數城西。
天挑越暖唇先笑，弱柳隨風眼欲迷。
不斷鶯聲催細雨，無心雲影護前谿。
請來亭畔遙相望，疑是平湖十里堤。

黃圍靈湫

武維藩

陵川縣志

卷廿八

藝文四

吳

孤峰峭立號黃圍，洞裡幽奇見者稀。
神井澄清龍穩卧，天門映帶鶴雙飛。
靈通此地關雲紫，風吼長空暑氣微。
偶與山僧登絕頂，飄飄塵外不知歸。

靈泉瀑布

武維藩

山形峭拔太行巔，斷岫時飛百斛泉。
滴瀝珠光圓似蚌，輕明雪浪淡如烟。
晶簾懸瀉無虛日，練影翻空不計年。
自是源頭來活水，會心只此得真詮。

古賢山

武去私 邑人

憑高望遠意悠然，怪石層崖一徑偏。
但覺眼寬紅樹

外不知身到白雲邊。峯頭嵐氣疑千疊，寺角鐘聲撼萬緣。羨爾山僧清且淨，夕陽斜處卧蒼烟。

望黃圍山

武去私

古廟巍巍接紫氛，逢秋更覺繞清芬。岩間樹色堪遮日，山側人家半入雲。松影多從明處見，佛香遙自靜中間。低徊不忍輕回首，飽看嵐光到夕曛。



佛子山

武去私

何必蓬萊尋海島，白雲堆裏有神關。淺深嵐氣蒼烟外，高下樓臺綠樹間。曲逕穿林人不見，飛花隔岸鳥

陵川縣志

卷廿八

藝文四

四

知還登臨屢倚疎欄坐，爲愛斜陽綴遠山。

秋日登黃圍山

薛景祚 邑人

孤峯聳出太行巔，有客登臨夕照懸。九曲黃河來眼底，半空晴雨落臺前。陰霾古洞蛟龍隱，幽僻深林虎豹眠。乘興不知清磬歇，秋山夜色靜無邊。

南陽寺

楊灝 邑人

一帶危峰挂晚暉，青山斷處露神扉。香台頗有天花墜，勝地何年錫杖飛。磴陟虎溪雲上屨，松攀龍谷翠生衣。潺潺流水如斯洞，口暮菴僧遊未歸。

如斯洞有李萃秀題

額

寶應寺

楊灝

靈泉寶刹古秦關亭午無人自躋攀清磬忽敲諸慮斷白雲高卧一身閒時看度嶺僧孤去仍待冲煙鶴獨還只有洞門開不得恐飛蝴蝶亂青山秦嶺卧雲即此又秦取上黨築關于此俗傳有洞不敢輕啓

遊西溪歸途口占

張和松 邑人

春山淡淡草萋萋十里烟光望轉迷客路盡行飛鳥外人家一帶小亭西連雲樹色遮青嶂隔竹桃花滿

陵川縣志

卷廿八

藝文四

五

綠堤聞道龍泉風景好更隨斜日過前谿
五言絕句

國朝

靈泉瀑布

陳封舜

邑令

喜見含珠岩不見鯉池水晴天薄霧中常棹白龍尾
東澱亭

陳封舜

右記岳陽樓關心樂與憂東澱由我造彷彿砥中流
甲午上巳借錫山明經顧君豫章孝廉項君山
都廣文施君遊西溪

程德炯 邑令

何處得春多西溪春如許溪前桃李花水陂兼紅雨
鎮日西溪上風恬人共樂柳鶯聲滑滑酒對黃柑酌
石勒墓 田珩陽城人

平生多異志此日總襟蕪落日空山裏還能一嘯無
西溪春色 趙時和邑人

水抱千巖秀花明十里堤西湖春色好飛入小溪西
蒲水 李載邑人

花落空山裏蒲溪春水流行人不渡處盡日橫孤舟
支公壑 王業廣邑人

陵川縣志 卷廿八 藝文四

至

雲從石中生石如雲裡隨獨看層岩間石留雲出壑
錦屏朝霞 武去私邑人

好去錦屏山還聯芍藥會玉杯泛流霞逍遙白雲外
龍門晚照 武去私邑人

雙崖一豁開西壁空青斷返照在龍門城中疑曉旦
南巖 傅弼邑人

繁林澄落照石磴沉清景日夕山意涼參差亂松影
北巖 傅弼

灌木聳喬岑虛嵐淡崖壁深林返照明蒼翠濃如滴

馬鞍山

傅弼

峭壁染晴雲青危如削玉夕陽下遠山澄然湛虛綠

胡桃精舍

傅弼

色相空梵域塵襟靜薜蘿倚檻默不語閒階清蔭多

蔚谷

馬模邑人

雨霽衆山青幽禽競相逐一聲清磬聞空翠墮林杪

澄碧池

李思白邑人

蘋藻交菱苻蒼碧如可拾清曉弄明波靡靡綠苔濕

煮茗泉

武振山邑人

陵川縣志

卷廿八

藝文四

五

山影落閒潭微波澹不起薄暮汲清華幽芬滿蘭麝

興福寺牡丹

楊炳邑人

芳林澄夕照欄外微風息溪戶闌無人名花艷嬌色

興福寺古檜

甯靜遠邑人

蘋末起微風冷然入古檜虛堂靜不喧颯颯聞天籟

熊山

張和松邑人

蕭蕭空翠亭十里紅塵隔夜靜雨峯寒當空秋月白

一覽亭晚眺

傅巖邑人

日暮山水清憑軒望不極夕陽下遠岑野樹生寒色

七言絕句

金

白巖寺羣山環抱村落相望惜乎無水因作詩

書石上嘗有水出

李晏 邑人

只有山光無水聲耳我疑神物固巖扃如何鑿得飛泉出當為山僧叱六丁

山寺尋春春已遲紫梅猶有折殘枝老僧兀坐如枯木花謝花開總不知

題郝文忠公墓

李晏

陵川縣志

卷廿八

藝文四

三

仗節江南羨此行真州猶稔使君名雒城鬱鬱埋西澣恨不生還蘇子鄉

趙洛道中

趙安榮 邑人

柔青初散隴頭桑木樹落人家布穀忙一段藍青渾着角葉間猶有幾花黃

和陶公之二

趙安時 邑人

宛似安仁滿縣堂風流善政祖根基太平官府看看見再活疲民數百家

寄申百勝二首

劉昂霄 邑人

真氣南山相與高，爭教塵土浣青袍。
征科頗似曾對理，差勝參軍作馬曹。

執版那時拜下風，世間禮數困英雄。
狂歌醉舞人誰識，憔悴通泉郭代公。

連昌能隔幾年牛，鳴不見令人鄙吝生。
乘興時思一相訪，劇談豪飲見真情。

題裕之家山圖

劉昂霄

萬里神州劫火餘，九原夷甫有餘辜。
作詩為報元天子，莫倚家山在畫圖。

陵川縣志

卷世八

藝文四

五

中秋登城有感

張光輔

秋日臨登望野田，太行巔上月初懸。
清光偏照民家婦，織得春衣辦稅錢。

下太行

李俊民 邠人

山中日日伴雲閒，不見閒雲只見山。
君去試從山下望，青山却在白雲間。

雪行

秦畧 邑人

匹馬東來冰雪天，蒼山半冷墮吟鞭。
煙中鬢鬢聞鷄犬，不覺人家到眼前。

郝生知林州

劉 因 保定人

到處雲山是我師，不愁無物慰相思。只從隆慮烟霞色，領取幽人笑傲姿。

西溪二仙廟留題

元好問 太原人

期歲之間一再來，青山無恙畫屏開。出門依舊黃塵道，啼殺金衣喚不回。

元

弔石勒塚

郝 經 邑人

都門長嘯氣憑陵，瓜割中原霸業興。夜墓深山人不見，至今猶有守墳僧。

陵川縣志 卷止八

藝文四

五

見至今猶有守墳僧

明

春日

張 凝 邑人

翠微深處幾人家，風颺輕烟雨拂沙。牛勒野桃開較晚，向陽纔有兩三花。

西溪春色

張 瓚 邑人

邑城西去鳳山西，流水淙淙遠大堤。只為韶光堪賞翫，東風桃李自成蹊。

西溪春色

徐 鉞 邑人

喬松蒼柏滿山頭更有清泉山麓流好景不隨寒暑
易分明別是一瀛洲

題都君錫隱居

李安時

恬處深山物外身門前常是聚蹄輪已知谷口馳名
从孰謂清朝乏子真

過三狀元故里致望庠中諸友

路王道

屯人

扶輿淑氣萃當年三占鰲頭萬古傳此日方張羅俊
網應多麟鳳繼前賢

九日登錦屏山

徐承奎

邑人

陵川縣志

卷廿八

藝文四

巽

一味疎狂學漫遊暫攜萸酒謔深秋
啣觴龍峽恣清傲坐看岩前溪水流

春日西溪尋花

徐燾

邑人

不負韶光二月天西溪春色正芳妍
酒蕪行處圍泉古帝鳥花飛叙老年

王克耕

邑人

日暮溪頭花滿炯醉來扶杖至溪邊
兩箇嬌鶯山外轉一鈎新月柳梢懸

武

鉤

邑人

尋花尋到夜深歸露滿花枝香滿衣
不是留連樂不顯只怕春殘花漸稀

初登太行迴望有思

王世貞太倉人

千山立馬送斜暉。平楚蒼然色漸微。最是東南欲盡處。黏天一點白雲飛。

懋九僊臺北斗殿

李萃秀邑人

昨夜北斗殿裏眠。手攀斗柄枕青天。醒來雲散銀河轉。攜得星辰兩袖還。

錦屏山

李萃秀

爽氣澄秋映曉風。如屏錦嶂鬱葱葱。幾家鷄犬千山下。萬里煙雲指顧中。

陵川縣志

卷廿八

藝文四

五

國朝

雙狀元峰

嚴炳元歸安人

七子金貂七葉榮。一家更占兩魁名。茲峰留得芳馨在。山鳥喧傳臚唱聲。

龍門雁塔

嚴炳元

蟬蛻鬱結勢蟠虬。劈破雲根翠欲流。煉石洪鑪高磊塔。題名宛在曲江頭。

棲雲寺

項炳新建人

棲雲古寺夕陽斜。紫竹枝頭曳晚霞。扶杖老僧閑不

語一聲清磬落曇花

題石勒塚

朱 樟盛塘人

難與高光步後塵但留尸塚未全湮洛陽不遇青眸
客誰識東門倚嘯人

襄國魂飛喪此川離離衰草蔓秋烟漚麻池外人應
笑地下人曾厭老拳

身前身後禍無端狐塚獾蹊嘯夜寒未必不疑人發
掘只將鬼域瞞曹瞞

酌酒難招羯部竟英雄羣起盜中原佛鈴聽徹應微

陵川縣志

卷廿八

藝文四

五

悟合與山僧守寺門

反郝文忠落句

西溪春色

黃國瓌 邑令

水白桃紅色色新林鶯蒸燕日相親無能學種潘花
艷散作河陽百里春

龍門晚照

黃國瓌

日薄餘暉納物明林泉澹澹夕陽平囂聲不到民風
靜尚有丹心照赤城

秦嶺卧雲

黃國瓌

一片茲雲度遠谿無心動靜欲棲遲間中澹酒多霖

雨日濟蒼生事有期

太行行四首

陳封舜 邑令

東西地勢控陵章齊晉天開壓太行處處澗泉舍宿
東年年山木帶新霜

背橫王屋面河陽絕頂城臨泣水旁笑我輸他花似
錦惟知鄉校與耕桑

表裏山河自昔名乘時策馬太行行七年課最何循
績大愧純公令晉城

風塵歷落六泉行宦海蒼茫萬里情南望白雲驚杳

陵川縣志

卷廿八

藝文四

五

渺東來紫氣幸分明

西溪春色

陳封舜

送春春到碧流西四月花開慢錦堤堪笑遊人爭旦
晚不言桃李自成蹊

黃園靈湫

陳封舜

黃園巧鑿瀉靈湫陸海鰲峰一郡洲古木橫沙深卧
處重來曾見隔溪流

水口閣成漫題二絕

王篤祜

邑令

畫堞遙臨翠嶽開天光雲影共徘徊登樓盡日看山

好此地還應雨後來

看花不住啼山鳥繫艇誰憐漾浦波自向長堤種楊

柳行人應愛夕陽多

元夜陵市觀火

程德焯 邑令

偶爾尋春畫市中上元簫鼓慶年豐明爐楫棹連宵

熾不數星橋火樹紅

鷓鴣胡桃莫後陳陵川瑞炭比烏銀香街披拂東風

早散作城中萬戶春

棲鳳山

張承綸 高平人

陵川縣志

卷廿八

藝文四

卒

萬壑風生萬壑松溪雲迢遞隔山鐘小鳥見人全不

避一聲啼破綠陰濃

空翠亭

馮亮工 鳳臺人

野花溪水映疎櫺好是雲根空翠亭讀罷南華秋水

賦夕陽閒對數峰青

占情

秦之鉉 邑人

秦嶺山頭霧未開荷蓑戴笠自徘徊綠疇已抵蛟龍

窟幾許嘉禾幾草萊

過西溪

武作 邑人

紅杏花陰一徑斜。流泉堤畔有人家。錯教認徹源
水溪岸旋來太守車。

遊寶應寺

李蟠 邑人

偶登絕巘望神州。寶氣浮空淡不收。大敞山門舒老
眼。看山無處不迴頭。

巔上閒雲卧幾重。雲閒我卧倩雲封。高天露浥三更
月。人在瑤華第一峯。

西溪春色

韓方昭 邑人

溪水源頭東復西。巧將春色逗沙堤。花香鳥語真堪

陵川縣志

卷廿八

藝文四

全

賞山送青來觀石蹊

黃園古洞

武敦 邑人

山中古洞洞中山。仙子乘鸞去不還。石鴿一隻輕似
葉。時時飛出碧松間。

落雁池

王希會 邑人

帛書繫足事何奇。此地人傳有雁池。十六年留淮海
上老臣辛苦望歸期。

橫嶺別業

張士謙 邑人

竹影蕭蕭梅影疎。清風明月野人居。曾誰剪燭西窓

下寂歷空山讀漢書

竹枝詞八首

傅學周 邑人

春融夔夔春鳥啼遙迎羽駕出西溪
沿街士女紛如堵爭換仙花立大堤

平林隘巷暖融融蠟炬燃時滾火紅
高洒飛花鎔鐵汁虹光星點落空中

柵柵蒙籠闌白楊蒲公英放石岩香
晚涼社鼓村村急競賽山神避虎狼

山坡青翠雨初晴山杏花開布穀鳴
攜得一甌漿水

陵川縣志

卷廿八

藝文四

五

飯黃沙嶺畔餉春耕

菊嶽浮青蒲水寒牡丹開罷又山丹
鋤苗隴上薰風燠半翅飛過社稷壇

櫻子初成稷米香蒲觴酒熟喫雄黃
山深五月虺蛇惡間繫朱絲續命長

胡麻蠶豆繞籬黃菱子浮紅映野塘
秋事畢時先赴縣今年穀熟早完糧

初至天

欵冬花發石崖稀簷外鷺毛雪乍飛
十月陵川山氣冷家家祀祖送寒衣

靈泉瀑布

韓彬 邑人

含珠崖畔瀉靈泉，匹練長垂古寺前。
月映波心開寶匣，白龍夜夜抱珠眠。

雙狀元峯

韓彬

山城匝匝繞崇墉，雙乳中撐劍氣衝。
七子釣鰲三島外，至今爭說狀元峰。

陵川迎仙詞

秦懋敏 邑人

焚香無語拜靈仙，二女明粧共儼然。
祈得一犁寒食雨，今年好白種春田。

陵川縣志

卷廿八

藝文四

七

雙持羽扇下蓬萊，遙指雲旂翠幃開。
到處花街奏歌管，年年此日賽神來。

棲鳳山頭日欲斜，狼城外散春霞。
門前多少紅裙女，爭換仙姑鬢上花。

雨霽過崇安寺

王伯儀 邑人

紅欄曲曲鎖烟霞，路遠蒼苔一逕斜。
五月連朝熟梅雨，門前開遍馬蘭花。

十里河

柳壯邦 邑人

兩岸青山十里河，峰迴谷轉總清波。
行來漸滌塵襟

盡一路潺湲流水多

井嶂

張和松 邑人

昨夜春溪起漲痕，斜風細雨過前村。
山中竟日無人到，一樹桃花滿洞門。

